



REPUBLIKA E SHQIPËRISË

**BASHKIA MALIQ**

**Drejtoria e Financës dhe Buxhetit**

Nr. 4157 Prot

Maliq, më 13.9.2024

**Lënda:** Dërgohet Dokumenti i Programit Buxhetor Afatmesëm 2025-2027 i rishikuar

**MINISTRISË SË FINANCAVE DHE EKONOMISË**

**DREJTORISË SË PËRGJITHSHME TË BUXHETIT**

**DREJTORISË SE FINANCAVE VENDORE**

**Tiranë**

Në zbatim të ligjit nr.57/2016''Për disa ndryshime dhe shtesa në ligjin nr.9936,dt 26.06.2008, ''Për menaxhimin e Sistemit Buxhetor në Republikën e Shqipërisë'', të ndryshuar dhe ligjit nr.68/2017 ''Për financat e vetëqeverisjes vendore'': Në zbatim të udhëzimit nr.03 datë 28.02.2024''Për përgatitjen e programit Buxhetor Afatmesëm Vendor 2025-2027''shkresës së Ministrisë së Financave dhe Ekonomisë nr.8592 prot. datë 19.06.2024 '' Dërgohen mendimet mbi Programin Buxhetor Afatmesëm 2025-2027'' po ju dërgojmë bashkëlidhur dokumentin e Programit Buxhetor Afatmesëm për vitet 2025-2027 të rishikuar dhe relacionin shoqërues. Në përgatitjen e dokumentit u morën parasysh dhe mendimet e Ministrisë së Financave dhe Ekonomisë

*Duke ju falenderuar për bashkëpunimin !*

Konceptoi: Përgj. Sekti

M.Shahollë

Miratoi: Drejtor i Drejtorisë

A.Muka

Dt. 12/9/2024

Dt. 13/9/2024

**KRYETARI I BASHKISË**

**Gëzim Topçiu**







---

REPUBLIKA E SHQIPËRISË

BASHKIA MALIQ

# **PROGRAMI BUXHETOR AFATMESËM I RISHIKUAR 2025 - 2027**

**Shtator 2024**

## **SHTOJCA 2**

### **Struktura e Dokumentit së Programit Buxhetor Afatmesëm Vendor te Rishikuar, 2025-2027**

---

## PËRMBAJTJA

LOGO .....	ERROR! BOOKMARK NOT DEFINED.
<b>1. HYRJE .....</b>	<b>5</b>
1.1 ROLI DHE QËLLIMI I PROGRAMIT BUXHETOR AFATMESËM, SI NJË INSTRUMENT EFEKTIV PLANIFIKIMI NË NIVEL VENDOR .....	5
1.2 FAZAT E PËRGATITJES DHE MIRATIMIT TË PBA-SË .....	7
<b>2. VËSHTRIM I PËRGJITHSHËM I BASHKISË (1-2 FAQE).....</b>	<b>9</b>
2.1 SITUATA E NJËSISË SË VETËQEVERISJES VENDORE .....	9
2.2 ÇËSHITJE KRYESORE PËR PROJEKTET DHE POLITIKAT E BASHKISË / KËSHILLIT TË QARKUT .....	9
<b>3. ORIENTIMI AFATGJATË I BASHKISË / KËSHILLIT TË QARKUT (1-2 FAQE).....</b>	<b>11</b>
3.1 STRATEGJIA E ZHVILLIMIT AFATGJATË.....	11
3.2 SFIDAT KRYESORE TË ZHVILLIMIT / PARAQITJA E PROJEKTEVE KRYESORE – ARSYET DHE PËRFITUESIT .....	11
<b>4. BUXHETI AFATMESËM I BASHKISË/QARKUT (EMRI) 2025-2027.....</b>	<b>1</b>
4.1 TË ARDHURAT DHE SHPENZIMET PUBLIKE TË BASHKISË MALIQ NË VITET 2025-2027 .....	3
4.1.1 Të ardhurat e parashikuara të Bashkisë MALIQ për vitet 2025-2027.....	3
4.1.2 Plani i Shpenzimeve të Bashkisë MALIQ për periudhën 2025-2027 .....	12
4.2 INVESTIMET PUBLIKE NË NIVEL VENDOR .....	ERROR! BOOKMARK NOT DEFINED.
<b>5. BUXHETI AFATMESËM PËR PROGRAMET BUXHETORE .....</b>	<b>5</b>
5.1.1 Qëllimet dhe Objektivat e Politikës së Programit .....	20
5.1.2 Plani i Shpenzimeve të Produkteve të Programit.....	35
5.1.3 Projektet e Investimeve të Programit .....	1
5.1.4 Informacione Bazë mbi Programin .....	2
<b>6. BUXHETI VJETOR .....</b>	<b>6</b>
6.1. DOKUMENTACIONI BAZË.....	6
6.2. DOKUMENTACIONI SHOQËRUES.....	6

### Lista e Tabelave

Tabela 1. Informacion Bazë mbi Bashkinë MALIQ .....	1
Tabela 2. Të Ardhurat e Bashkisë sipas Burimit.....	5
Tabela 3. Shpenzimet totale të Bashkisë sipas kategorive ekonomike.....	13
Tabela 4. Shpenzimet totale të Bashkisë sipas programit dhe kategorive ekonomike.....	15
Tabela 5. Shpenzimet e NJVQV sipas Klasifikimit Funkcional (Niveli I, II, III i COFOG) .....	1
Tabela 5. Shpenzimet e Programit sipas Kategorive ekonomike .....	5
Tabela 6. Qëllimet dhe Objektivat e Politikës së Programit.....	20
Tabela 7. Planet e Shpenzimeve të Produkteve të Programit.....	35
Tabela 8. Projektet e Investimeve të Programit.....	1
Tabela 9. Informacione bazë mbi Programit .....	2

*Lista e Shkurtimeve*

PBA	– Programi Buxhetor Afatmesëm
NJVV	– Njësi e Vetëqeverisjes Vendore
EMP	– Ekipi i Menaxhimit të Programit
GMS	– Grupi për Menaxhimin Strategjik
MF	– Ministria e Financave
FPT	– Instrumenti i Planifikimit Financiar
INSTAT	– Instituti i Statistikave
PBB	– Produkti i Brendshëm Bruto
SMBV	– Sistemi i Menaxhimit të Buxhetit Vendor

# 1. HYRJE

## 1.1 Roli dhe Qëllimi i Programit Buxhetor Afatmesëm, si një Instrument Efektiv Planifikimi në Nivel Vendor

Programi Buxhetor Afatmesëm (PBA) është një instrument për prezantimin në mënyrë të integruar e disavjecare të parashikimit të të ardhurave dhe burimeve financiare publike dhe për planifikimin, manaxhimin dhe lëvrimin e shërbimeve publike. Si i tillë, ai është një komponent kryesor i planifikimit kombëtar dhe vendor.

Strategjia Kombëtare e Zhvillimit, Strategjitë Sektoriale dhe Planet e Përgjithshme Vendore shpjegojnë atë që qeveria synon të arrijë në fushat kryesore të ofrimit të shërbimeve, cilat struktura të qeverisë do të përfshihen dhe si do të ndërveprojnë me organizatat e sektorit privat dhe aktorë të tjerë joqeveritarë. Si të tilla, ato përshkruajnë mënyrën sesi qeveria synon të zhvillojë komponentët kryesorë të ofrimit të shërbimeve, investimet kryesore publike që do të kërkojnë dhe implikimet përkatëse për nivelin dhe llojin e shërbimeve publike që do të ofrohen. Aspekti strategjik i këtyre dokumenteve i jep formë kërkesave për shpenzime për investime publike si dhe për ofrimin e shërbimeve gjatë periudhave disavjeçare.

Ashtu si edhe nivelet e tjera të qeverisjes, Njësitë e Vetëqeverisjes Vendore (NJVQV-të) janë përgjegjëse për menaxhimin e fondeve publike. Kjo përfshin mbledhjen e taksave dhe tarifave vendore dhe menaxhimin e burimeve kombëtare që transferohen në bashki nga qeveria qendrore, disa prej të cilave kushtëzohen për shërbime specifike. Kjo do të thotë se kërkohet një instrument për të projektuar burimet e përgjithshme të disponueshme për shpenzimet vendore, duke përfshirë këtu: grantet, huatë, taksat e tarifave vendore dhe transferime nga qeveria qendrore (të kushtëzuara dhe të pakushtëzuara).

Njësitë e vetëqeverisjes vendore ofrojnë shërbime publike vendore bazuar në kompetencat që u jep ligji. Si rrjedhojë, kjo kërkon një instrument për të lehtësuar dhe menaxhuar mënyrën e përdorimit të burimeve gjithsej, duke përfshirë vendimet për llojin e shpenzimeve (pagat dhe sigurimet; mallrat dhe shërbimet, interesat e borxhit, ripagimi i huave dhe kështu me radhë), si dhe vendimet strategjike se si do të alokohen burime midis llojeve të ndryshme të shërbimeve publike (sigurisë publike, arsimit, shëndetësisë, punëve publike dhe kështu me radhë).

Procesi i PBA-së, prezanton në mënyrë të integruar informacionin mbi parashikimet e të ardhurave dhe burimeve gjithsej dhe përcakton objektivat përse do të shpenzohen ato, kostot e nevojshme dhe llojin e secilit shërbim që do të ofrohet. Ndër të tjera, kjo përfshin lidhjen e qëllimeve dhe objektivave të bashkisë me qëllime strategjike të përcaktuara në strategjitë lokale dhe kombëtare. Procesi i PBA-së, disiplinon maturinë financiare vendore duke planifikuar shpenzimet publike brenda një kuadri realist financiar vendor. Në të njëjtën kohë, ai synon të garantojë që shërbimet publike vendore plotësojnë nevojat në rritje të banorëve duke treguar se si shpenzimet publike për prioritetet strategjike të zhvillimit të njësisë vendore përkthehen në vendime konkrete për ofrimin e shërbimeve publike vendore, me lidhje të qarta mes politikave vendore dhe prioriteteve vjetore të shpenzimeve .

Në procesin e PBA-së planifikimi dhe buxhetimi vendor afatgjatë e ndihmon njësinë vendore të planifikojë sesi shërbimet publike do të evoluojnë me kalimin e kohës, duke përcaktuar kërkesat disavjeçare të shpenzimeve në fusha të ndryshme të ofrimit të shërbimeve në përputhje jo vetëm me ndryshimet e parashikuara në demografinë, por edhe në përputhje me ndryshimin e nevojave të banorëve të bashkisë. Kombinimi i këtij informacioni me parashikimin për nevojat dhe burimet në dispozicion në të ardhmen, u mundëson njësinë vendore që të planifikojnë shërbime publike në mënyrë të qëndrueshme, si dhe të zhvillojnë një kuadër afatmesëm të burimeve si bazë për planifikimin afatmesëm të shpenzimeve.

Gjithashtu, procesi i PBA-së siguron një kornizë për planifikimin e investimeve publike sipas programeve buxhetore duke përfshirë edhe kërkesat për shpenzimeve korente. Kjo siguron një bazë të fortë mbi të cilën mund të merren vendimet për investime, të lidhura me planet strategjike dhe planet afatmesme për zhvillimin e shërbimeve të ndryshme publike që njësinë vendore ofron për banorët.

Në mënyrë të përmbledhur Programi Buxhetor Afatmesëm përfshin këto procese:

- prezanton informacionin mbi të ardhurat dhe burimet e disponueshme të bashkisë;
- përkthen vizionin strategjik të NJVQV-së në plane praktike për ofrimin e shërbimeve gjatë një periudhë disavjeçare;
- shpërndan burimet sipas fushave të veçanta të ofrimit të shërbimeve publike,
- përcakton treguesit e performancës në secilën fushë të ofrimit të shërbimeve;
- llogarit kërkesat vjetore të shpenzimeve (korente dhe për investime) në përputhje me objektivat dhe treguesit e performancës për një periudhë disavjeçare; dhe
- përcakton treguesit vjetorë të performancës në përputhje me parashikimet për burimet në dispozicion përgjatë një periudhe disavjeçare.

Në qendër të PBA-së janë dy procese planifikimi dhe buxhetimi që NJVQV-të ndërmarrin për të planifikuar treguesit e performancës dhe shpenzimet afatmesme, si dhe propozimet për buxhetet vjetore:

- Përcaktimi i Qëllimeve dhe Objektivave të Programit (nëpërmjet Rishikimit të Politikës së Programit);
- Planifikimi i Shpenzimeve të Programit (në funksion të ofrimit të shërbimeve).

Procesi i *Rishikimit të Politikës së Programit*, synon të specifikojë qëllimet, objektivat e programit, standardet (ndërkombëtare ose shqiptare), si dhe treguesit e performancës të lidhura me ato në terma SMART<sup>1</sup>. Ky informacion konsiston në rezultatet e dëshiruara dhe të matshme nga veprimet e NJVQV-së, të cilat duhet të arrihen në periudhën afatgjatë<sup>2</sup> (Qëllimet e Politikës së Programit), si edhe arritjet e dëshiruara në periudhën tre-vjeçare<sup>3</sup>, sasitë e produkteve (shërbimeve publike) dhe kostot respektive për arritjen e Objektivave të Programit (që janë hapa të ndërmjetëm për arritjen e një Qëllimi të Politikës së Programit). Të gjitha shpenzimet e NJVQV-së duhet të kontribuojnë në mënyrë direkte dhe integrale në arritjen e Objektivave të Programeve të saj.

<sup>1</sup> Specifike, Matshme, Arritshme, Rëndësishme, Terma Kohore.

<sup>2</sup> 'Afatgjatë' I referohet një kohe të specifikuar nga Drejtuesi i Programit, që shkon përtej periudhës 3-vjeçare të programit buxhetor afatmesëm.

<sup>3</sup> Për tu specifikuar për secilin vit të periudhës 3-vjeçare të programit buxhetor afatmesëm.



Procesi i *Planifikimit të Shpenzimeve të Programit*, synon të përcaktojë sasinë dhe koston e të gjitha shërbimeve publike që NJVQV-ja planifikon të ofrojë gjatë çdo viti të periudhës afatmesme, të shprehura në formën e produkteve SMART të programit. NJVQV-ja, specifikon produkte që sigurojnë arritjen e të gjitha Objektivave të Programit, Qëllimeve të Politikës së Programit si dhe standarteve e treguesve të performancës të lidhura me ato.

Si të tilla, proceset e Rishikimit të Politikës së Programit dhe Planifikimi i Shpenzimeve të Programit përfaqësojnë zemrën e procesit të PBA-së, dhe informacioni i gjeneruar nga këto procese paraqitet në mënyrë të detajuar në Seksionin 3, të dokumentit të PBA-së . Këto qëllime, objektiva, standarde dhe produkte përbëjnë kornizën e performancës për shërbimet publike të NJVQV.

Një element i rëndësishëm i procesit të përgatitjes së PBA-së është specifikimi i Treguesve të Performancës (SMART) për secilën fushë të funksioneve të bashkisë. Kjo përfshin planifikimin dhe kostimin e detajuar të treguesve të performancës brenda secilit funksion të qeverisjes vendore, si dhe prezantimin e këtyre treguesve për miratim tek vendimmarrësit dhe më pas për publikun e gjerë në formën e:

- Produkteve SMART, që specifikojnë në detaje shërbimet publike të planifikuara për t'u ofruar;
- Objektivave SMART të Politikës së Programit (dhe treguesve të performancës të lidhura me ato), që specifikojnë arritjet kryesore vjetore nga ofrimi i shërbimeve publike;
- Qëllimeve SMART të Politikës së Programit (dhe treguesve të performancës të lidhura me ato), që bashkia planifikon të arrijë në periudhën afatgjatë;
- Kostot totale të ofrimit të shërbimeve vendore, duke treguar se si njësi vendore planifikon të përdorë burimet në dispozicion;
- Kostot e planifikuara për produktet (shërbimet) individuale, në mënyrë që vendimmarrësit dhe banorët të kuptojnë efikasitetin e planifikuar në ofrimin e shërbimeve të veçanta.

## 1.2 Fazat e Përgatitjes dhe Miratimit të PBA-së

Udhëzimi Standart<sup>4</sup> i PBA-së, përcakton kërkesat kryesore të procesit të PBA-së për NJVQV, si dhe kërkesat përkatëse për raportim brenda bashkisë apo tek qeveria qendrore. Aspektet kryesore të udhëzimit standart përfshijnë:

- Rolet dhe përgjegjësitë në procesin e përgatitjes së PBA-së për Kryetarin e NJVV-së, Këshillin e NJVQV, GMS, Zyrtarët Autorizues dhe Ekzekutues, Drejtuesit dhe anëtarët e EMP-ve, si dhe MF-së;
- Procedurat, fazat e ndryshme, kalendarin dhe metodologjinë për programimin dhe buxhetimin e bazuar në performancë në përgatitjen e PBA-së;
- Kërkesat e raportimit të programit buxhetor afatmesëm. Më konkretisht, kërkesat për të përgatitur dhe prezantuar: Misionin e njësisë së vetëqeverisjes vendore dhe strukturën e programeve; Deklaratat e politikës së programeve; Tavanet e njësisë së vetëqeverisjes vendore sipas programeve; Shpenzimet e programeve sipas artikujve; Shpenzimet e programeve sipas produkteve; Projektet me financim të brendshëm; Projektet me financim të huaj; Formatet plotësuese të kërkesave buxhetore; Projekt

<sup>4</sup> Udhëzimi Nr. 23, datë 30.07.2018 i Ministrit të Financave dhe Ekonomisë për "Procedurat Standarte të Përgatitjes së Programit Buxhetor Afatmesëm të Njësive të Vetëqeverisjes Vendore", i ndryshuar.

planin e arkës, i cili dorëzohet në përfundim të fazës së dytë të përgatitjes së kërkesave buxhetore; Raportet e kërkesave shtesë (Kërkesat shtesë sipas produkteve; Kërkesat shtesë sipas artikujve buxhetor)

Udhëzimi Vjetor i PBA-së, përcakton kërkesat specifike për procesin e PBA-së në NJVQV duke përfshirë edhe kërkesa të veçanta për prezantimin e informacionit në këtë dokument. Aspektet kryesore të udhëzimit vjetor për Përgatitjen e PBA-së 2025-2027 përfshijnë:

- Afatet specifike për përgatitjen e dokumentit të PBA-së dhe Informacionin mbi transfertën e pakushtëzuar të përgjithshme dhe atë sektoriale për NJVQV-të;
- Procesin e përgatitjes së PBA, p.sh. proceset për përgatitjen e vlerësimit dhe parashikimit të të ardhurave; Tavanëve të përgatitjes së PBA-së; Organizimit të procesit; Pemës së programeve; Draft dokumentit të PBA-së;
- Sistemin e Menaxhimit të Buxhetit Vendor (SMBV) dhe Manualin e Përdorimit të tij.

Faza 1 e procesit të PBA-së, zhvillohet midis Janarit dhe Qershorit. Kjo është faza strategjike kur merren të gjitha vendimet kryesore për financimin e politikave dhe investimeve të reja. Kjo fazë përfundon me përgatitjen e projekt dokumentit të PBA-së, i cili përdoret nga NJVV-ja për të realizuar alokimin strategjik burimeve midis programeve me qëllim përgatitjen e planeve afatmesme të shpenzimeve dhe buxhetit vjetor gjatë fazës teknike të përgatitjes së këtij dokumenti. Në fund të kësaj faze, dokumenti i PBA-së bëhet publik në faqen e internetit të NJVQV-ve për qëllime konsultimi, si dhe dërgohet në MF, brenda datës 1 qershor e cila përgatit komente dhe rekomandiime.

Faza 2 e procesit të PBA-së, zhvillohet midis Korrikut dhe Shtatorit. Kjo është faza teknike gjatë së cilës ekipet e menaxhimit të programeve të njësisë vendore marrin vendimet përfundimtare mbi planet për ofrimin e shërbimeve publike gjatë tre viteve të ardhshme. Gjatë kësaj faze përfshihen vendimet mbi përmbajtjen e projekt buxhetit vjetor që do t'i paraqiten GMS të NJVQV-së. Në përfundim të kësaj faze, përgatitet një version i rishikuar i dokumentit të PBA-së, i cili përdoret nga NJVQV për të vendosur mbi detajet në lidhje me shërbimet publike që do ofrohen si dhe alokimin e shpenzimeve që do të bëhen pjesë e Buxhetit Vjetor. Dokumenti i Rishikuar i PBA-së bëhet publik në faqen e internetit të NJVQV-ve për qëllime konsultimi.

Faza 3 e procesit të PBA-së dhe Buxhetit Vjetor përshkon periudhën nga tetori deri në muajin dhjetor kur NJVQV-ja, merret me finalizimin e dokumentit të PBA-së, si dhe miratimin e Buxhetit Vjetor. Gjatë kësaj faze, GMS përgatit një version përfundimtar të PBA-së në përputhje me vendimet e Këshillit të NJVQV-së. Projekt buxheti Vjetor është viti i parë i Projekt Buxhetit Afatmesëm dhe i paraqitet Këshillit të NJVQV-në për miratim (jo më vonë se data 30 nëntor) në një format standard (siç përcaktohet në Udhëzimin e MF). Një version përfundimtar i dokumentit të PBA-së (përfshirë Buxhetin Vjetor) publikohet dhe i vihet në dispozicion publikut të gjerë përmes faqes së internetit të NJVQV-së

## 2. Vështrim i Përgjithshëm i Bashkisë (1-2 faqe)

### 2.1 Situata e Njesisë së Vetëqeverisjes Vendore

Bashkia Maliq është pjesë e Qarkut të Korçës dhe kufizohet me Bashkitë Devoll, Pustec, Korçë, Gramsh, Skrapar e Pogradec . Ka një sipërfaqe 697.8 km<sup>2</sup> e një popullsi 62,328 banorë dhe 19,780 familje.



Ajo përbëhet nga 7 Njësi Administrative (NJA): Maliq, Libonik, Pojan, Pirg, Gorë, Moglicë, Vreshtas. Në përbërje të tyre këto NJA përfshijnë gjithsej 1 qytet-Maliq dhe 81 fshatra .

#### **Familjet.**

Bashkia Maliq përbëhet nga 19,780 familje ku peshën më të madhe e zë NJA Pojan me 5,152 familje, NJA Libonik 4,284 familje. Aktualisht trajtohen me ndihmë ekonomike 2,190 familje ose 11.07 % e totalit të përgjithshëm të tyre. Gjithashtu trajtohen edhe 1,859 persona me aftësi të kufizuar.

#### **Biznesi.**

Në territorin e Bashkisë Maliq ushtrojnë aktivitetin e tyre 571 biznese nga të cilat 554 janë active.

#### **Arsimi.**

Bashkia Maliq ka 67 shkolla nga të cilat 7 të arsimit të mesëm me 39 klasa, 60 shkolla të arsimit 9-vjeçar dhe fillor me 227 klasa dhe 29 kopshte pa ushqim.

#### **Bujqësia dhe blegtoaria.**

Sipërfaqja e tokës bujqësore gjithsej figuron 24,224.6 ha, nga të cilat 21,757 ha tokë arë , 232.7 ha pemtore, 430.39 ha vreshtë. Në lidhje me blektorinë në Bashkinë Maliq kemi 9.834 blektorë me 11.416 gjedhë, 82.075 të leshta, 22.504 të hirta , 11.119 zgoje blete e 1.047.017 shpendë.

### 2.2 Çështje Kryesore për Projektet dhe Politikat e Bashkisë / Këshillit të Qarkut

Bashkia Maliq aktualisht ka një Plan të Përgjithshëm Vendor miratuar me Vendim të Këshillit Bashkiak nr.51, datë 03.07.2020, miratuar me vendim të këshillit Kombëtar të Territorit nr.5, datë 14.10.2020.

Hartimi i Planit të Përgjithshëm Vendor i Bashkisë Maliq, vjen si detyrim ligjor në zbatim të Ligjit Nr. 107/2014 "Për planifikimin dhe zhvillimin e territorit", i ndryshuar, si dhe akteve nënligjore në zbatim të tij, gjithashtu edhe për shkak të gjendjes ekzistuese dhe problematikat

e zhvillimit të territorit, orientimit të zhvillimit të territorit, kërkesave për ndërtime dhe balancimi i interesave publike dhe private në drejtim të zhvillimit territorial.

Finalizimi i Planit të Përgjithshëm Vendor është një ndër arritjet kryesore në fushën e planifikimit të territorit të një bashkie të re, të krijuar pas reformës territoriale dhe me dëshirën e vullnetin për t'iu përgjigjur nevojave dhe kërkesave afatgjata të qytetarëve, si dhe për të përballuar sfidat e një zhvillimi të qëndrueshëm të territorit

Në lidhje me Projekt-Buxhetin Afatmesëm 2025-2027 si shtyllë kryesore kemi përcaktuar transparencën e financave publike e cila preket edhe në strategjinë e menaxhimit të financave publike, vizioni i së cilës është të krijojë një sistem llogaridhënie, disipline fiskale dhe efikasitet në administrimin dhe përdorimin e fondeve me qëllim final zhvillimin ekonomik të njësisë.

Programi Buxhetor Afatmesëm i Bashkisë Maliq është hartuar në bazë të programeve të zhvillimit të të gjithë zonës urbane dhe rurale e cila lidhet me funksionet respektive të pushtetit vendor të përcaktuara. Objektivat e çdo programi janë përcaktuar nga grupet e punës dhe drejtuesit e çdo programi. Hartimi i PBA përbën një proces shumë të rëndësishëm për ne, pasi ky dokument siguron mekanizmat e nevojshëm përmes të cilave objektivat tona bëhen të realizueshme.

Buxheti në qëndër do të ketë qytetarin, rritjen e mirëqënies, rritjen ekonomike, rritjen e aksesit dhe të cilësisë të jetës , duke rritur besimin e dyanshëm, gatishmërinë për të kontribuar

### 3. Orientimi Afatgjatë i Bashkisë Maliq

#### 3.1 Strategjia e Zhvillimit Afatgjatë

Në lidhje me zhvillimin afatgjatë të Bashkisë Maliq ne do të synojmë një zhvillim ekonomik – bujqësor të të gjithë zonës. Vënia në funksion e aseteve të Ish-Kombinatit të Sheqerit Maliq tashmë të kthyer Bashkisë Maliq me Vendim të Këshillit të Ministrave, do të jete një nga objektivat tona. Do të synojmë zhvillimin në fushat e mëposhtme:

- Zhvillimin e bujqësisë dhe blektorisë për efekt të fushës së Maliqit dhe pjesës rurale të zonave Gorë, Moglicë, Libonik dhe Vreshtas
- Zhvillimin e biznesit dhe sipërmarrjes në godinat e ish Kombinatit të Sheqerit
- Zhvillimin e turizimit dhe agrobiznesit në zonën rurale por jo vetëm
- Pjesa e kaskadës së lumit Devoll ,hidrocentrali i Moglicës dhe gjithë baseni mbledhës i saj ,besoj do të jenë një dritare e rëndësishme e zhvillimit ekonomik dhe turizmit në këtë pjesë të Bashkisë Maliq.
- Një synim i joni në të ardhmen do të jetë edhe zhvillimi bujqësor dhe vecanërisht i frutikulturës në toka të cilat ende janë të pandara dhe janë në pronësi të Ministrisë së Bujqësisë dhe Zhvillimit Rural apo organit të vetëqeverisjes vendore.
- Në punën tonë në vazhdim do të synojmë në një zhvillim të qëndrueshëm të:
  - Shërbimeve publike vendore
  - Menaxhimin e rrugëve dhe transportit publik
  - Arsimit parauniversitar dhe edukimit
  - Kujdesit Social
  - Strehimit dhe planifikimit të territorit
  - Zhvillimi ekonomik dhe punësimi
  - Kultura dhe turizmi
  - Zhvillimi i rinise dhe sportit
  - Planifikim,menaxhim dhe administrim

Rendi dhe mbrojtja civile

#### 3.2 Sfidat Kryesore të Zhvillimit / Paraqitja e Projekteve Kryesore – Arsyet dhe Përfituesit

- PBA është pjesë e planit strategjik të zhvillimit dhe ka qëllim kryesor në vetvete efektivitetin dhe efencën e financave vendore, ekonomisë dhe kryerjen e shpenzimeve publike sa më afër qytetarit.
- Lidhja e drejtpërdrejtë midis prioriteteve strategjiko-politike të qeverisë me shpërndarjen e burimeve publike të rakorduara me ato të bashkisë tonë do të jetë synim për të ardhmen.
- Projekt Buxheti Afatmesëm do të jetë i orientuar mbi bazën e performancës së organit të vetëqeverisjes vendore duke përgatitur kërkesa buxhetore sa më realiste në kuadër të PBA-së dhe Planit të Përgjithshëm Vendor me qëllim që të sigurojë një shpërndarje të fondeve buxhetore e të reflektojë qellimet e politikës gjatë një periudhe afatmesme 3-

vjecare. Është e rëndësishme të kihet parasysh që përgatitja e buxhetit vjetor është pjesë përbërëse e programit buxhetor afatmesëm.

- Sfidat kryesore të zhvillimit do të jenë primare në punën tonë të përditshme duke patur si bazë një plan të përgjithshëm sa më realist, gjithëpërfshirës dhe sa më afër komunitetit.

## 1. Infrastruktura Vendore

a) Sistemim –Asfaltim rrugë të brendshme në Njësitë Administrative Maliq **-250 milion lekë**

- Përfshin gjithë infrastrukturën nëntokësore dhe mbitokësore duke ju shërbyer banorëve të fshatrave.

b) Sistemim Urban qyteti Maliq - **119 milion lekë**

- Është projekt që i shërben qytetit të Maliqit por dhe vizitorëve të tij

c) Rivitalizim fshati Drithas Lart **-99 milion lekë**

- Ju shërben banorëve të fshatit Drithas të Njësisë Administrative Libonik.

## 2. Objekte Social Ekonomike-Kulturore

a) Qendra Komunitare-Kulturore “Dhimitër Orgocka” Maliq **-138 milion lekë**

- Është kthyer në një domosdoshmëri pas djegies dhe daljes jashtë funksionit të kësaj godine kaq të rëndësishme. Duam ta kthejmë në një qendër komunitare për të gjithë Bashkinë Maliq.

## 3. Ujësjetës Kanalizime

a) Ndërtim Ujësjetës Zvezdë **-33 milion lekë**

- Është një projekt i cili mendohet të furnizojë me ujë banorët e fshatit Zvezdë, Njësia Administrative Pojan

b)Ndërtim Rrjeti I Brendshem ujësjetës Lozhan **-6 milion lekë**

## 4. Arsim

a. Ndërtim shkolla 9-vjeçare Zvirinë **-51 milion leke**

- Përfitojnë nxënësit e shkollës Zvirinë dhe komunitetit i fshatit

b. Ndërtim Palestër Shkolla e Mesme Pirg **- 37 milion lekë**

- Përfitojnë 425 nxënësit e shkollës së mesme dhe 9- vjeçare Pirg dhe komunitetit

c. Ndërtim kopshte femijesh Libonik, Sheqeras **-40 milion lekë**

- Përfitojnë 7320 fëmijë parashkollori të cilët ndodhen në mjedise private ose të pa përshtatshme.